

مکملہ ادبی و سیاسی رسالہ

❁ ادبی و سیاسی رسالہ اسبوعیہ در ❁

۲۱ نجی سنہ

۲۸ جمادی الاولیٰ ۱۳۳۰

❁ پنجشنبہ ❁

جلد : ۱۴ - جزو : ۱۴۶

عالم منام حوادثن بر وقعه

ترکجه غزته لردن بری ، وقعه استیلادن خیلی زمان اول رودوسدن یازمش بر مکتوبدن بعض قمرلر استخراج ونقل ایتمش . رودوسک احوال موقعه سی بیلمیانلره گوره ایجه مهم شیلردن بحث ایدبور . از جمله :

یاناقلرنده سرداده بالین استراحت اولان ایکی رفیق خواب آلودی طیشاریدن کلان بر اوچنجه ذات صباحلین : « یاهو ! دشمن گیلیری کلدی . قالقکنز » دیه اوباندریور . بوذاتلرده همان یاناقلدن فرلا بورلر . طیشاری به چیقورلر . گوزلری « لیانده ایکی زرهلینک طور دینگی ، ایکی طور پیدونک (!) ده عادتاً ریختمه یاناشمش قدر یقینده طولاشد قلریخی » گوربور .

رؤیا بویا ، بو ایکی زرهلی ابله ایکی طور پیسوره قارشی اهالی کافه تسلیم ایدیلور . فقط دشمن (چونکه رؤیا دیدک یا) جسارت ایدم یور . « یالکنز قلوبی تخریب ابله آقشامه قدر لیانده طور دقدن صکره دفع اولوب کیدبور . »

قلبک جمی اولان (قلوب) ابله اصطلاحده اجتماعه معناسنی افاده ایدن (قلوب) ک لسانمزده صورت املاسی بر اولسنه مینی لفظ مذکورک هانکی معنا اعتباریله استعمال اولندی بی آکلاشیله میور . یعنی ایतालیان زرهلیلری محل اجتماع و اغلب احتمال (اتحاد و ترقی) به طائد بولنان بر قلوبی ، یوقه صورت مجازده قلوب ناسیمی تخریب ایتشد ؛ کسدر یلمه میور . بوندن طولانی اولمی که غزته ده مهم صورته بحث ایدبور .

اشعار واقعک بر رؤیایی حکایه دن عبارت اولدیغنده شبهه یوقدر . چونکه ایکی زرهلی دکل آشوبله جه هادی جساتده بر بولجی واپورینی بیله استیعاب ایدم جک لیانک رودوسده ، یعنی عالم مادیده دکل ، عالم منامدن بشقه بر محله - وجودی نامعلومدر .

قسماً قلعه نك اتکننده بولنان ومعهود (رودوس قولوسی) نك هنوز قاعده لری مشهود اولان اسکی لیانک اک درین یرنده سکز اون قدم بیله صو یوقدر .

(مندرک) ایسه نهایت بر (طور پییور) کیره بیله جک وقط از قضا بر کره گیردکن صکره دویمکه قدر تیاب اوله میه جق قدر ضیق و (صیغ) در . والی معینته مأمور اولان (بریق) قیلندن سراکب صغیره بیله بیک مشکلات ابله کیروب چیقمده در .

بوحوادثک رؤیادن عبارت بولنسنه شوده آریجه دلالت ایدر : یعنی « ایکی طور پیدونک ده عادتاً ریختمه یاناشمش دینه جک قدر طولاشد قلری » تخیل ایدلسنه نظراً بر جسم سابعک بر آنده هم ریختمه یاناشمش هم ده طولاشد قده بولنش حالنده کورینه بیلمسی ، یعنی آن واحده سکون و حرکات خواصنی کوسترمیسی آنحق عالم منامده مشاهده اولته بیله جک حالات فوق العاده دندر .

خصوصاً اوزرنده کزینه جک بر اسکله مالک اولمیان و ۳۶۰ سنه دن بری تطهیری بیله خاطره کلیان لیانده ریختم بولندیغندن بحث ایتمک بو عالم شهودده قابل اوله جق حالردن اولماق لازم کایره . العلم عندالله .